

Visoki predstavnik sastao se s mađarskim ministrom vanjskih poslova

Visoki predstavnik Valentin Inzko danas se u Budimpešti sastao s mađarskim ministrom vanjskih poslova Jánosom Martonyijem i informirao ga o trenutnoj političkoj situaciji u Bosni i Hercegovini.

Bosna i Hercegovina može izaći iz sadašnjeg političkog zastoja ako međunarodna zajednica i dalje ostane angažirana u zemlji i ako lokalni političari budu aktivno tragali za kompromisom i rješenjem, rekao je visoki predstavnik. "Mi trebamo stalno poticati dijalog među strankama kako bi ova zemlja napredovala i kako ne bi zaostajala za ostatkom regiona u evroatlantskom integracionom procesu", dodao je on.

Visoki predstavnik je zahvalio ministru vanjskih poslova Mađarske, koja trenutno predsjedava Višegradskom grupom, za doprinos koji njegova zemlja daje miru i stabilnosti u BiH, posredstvom trupa u okviru EUFOR-a, kao i za zalaganje Mađarske za Bosnu i Hercegovinu.